


BŌBRAE JEN NAÑINMEJ IN BOK AIDIK

MOKTA IM ĀLIKIN ITO TAK



Bok aidik emaron kauwōtata, elabtata ñan niñniñ im ajiri jidik ro. Bok aidik eo ekauwōtata emaron kōmman an armej deloñ aujbitol im bar mij.

Elab wōt an wōr bok aidik ilo elōñ jikin ko ibelakin lal in. Ewōr uwōta ñan jabdewōt armej ro rekkar jab kadedelok aer bōke aoleben wā in bōbrae ko im renaj ito tak ñan aelon ko jet ak juon jikin eo elab an wōr bok aidik.



Kwōmaron kejbarok kwe make im ajiri ro nejum jen bōk aidik kōn wā in bōbrae eo an nañinmej ko an bok aidik (measles, mumps, rubella, MMR).

Ta eo kwōn kōmmane MOKTA jen am ito tak ñan aelon ko jet

1. Kenono ibben taktō eo am, nōōj, ak jikin taktō eo ñan loloorjak ewōr an aoleb kein bōbrae jen bok aidik.
2. Bōk wā in bōbrae eo ejab mōkajlok jen 2 wiik mokta jen am emakūt.
 - Niñniñ ro 6 ñan 11 aer allōñ rej aikuj bōke juon wā in bōbrae eo an MMR.
 - Aoleb ro 12 aer allōñ im rūttolok (ekoba rūtto rej aikuj bōk aoleben wā ko 2 mokta jen aer ito tak.
 - Ñe kwōjañin kar wā mokta, bōke wā eo kein 1 ilo ien eo emōkajtata. Kwōmaron bōk wā eo kein 2 ālikin 28 raan.
 - Ñe kwar bōke 1 wā mokta, bōke wā eo kein 2 mokta jen am ito tak.
3. Jekdoon ñe ien am ito tak emōkajlok jen 2 wiik, kwōj maron wōt bōk 1 wā in bōbrae eo an MMR.

Ñe kwōj bebe in ito tak ñan juon jikin ilo Amedka elab an wōr nañinmej in bok aidik, kenono ibben taktō eo am, nōōj, ak jikin taktō ñan loloorjak ewōr an aoleb kein bōbrae jen bok aidik.



Ta eo kwōn kōmmane ĀLIKIN am ito tak ilo aelon ko jet ak ito tak ñan juon jikin eo elab an wōr nañinmej in bok aidik

1. Lale ñe ewōr kakōlkōlin bok aidik iomwin 3 wiik ālikin am rool jen tureep eo am. Bok aidik elukkun lab an kabobo im emaron mōkaj an ajeeded ñan armej ro jet.
2. Kall e taktō ak jikin taktō eo ILO IEN EO WŌT elañe:
 - Kwōj lomnak kwe ak ajiri eo nejum ekkar kebaak bok aidik.
 - Kwe ak ajiri eo nejum enaj nañinmej im ewōr nennab im piba. Ba ñan taktō eo am ia eo kwar ito tak ñane, im elañe kwe im ajiri eo nejum ekkar bōke wā in bōbrae eo an MMR.
3. Ñe kwe ak ajiri eo nejum enañinmej kōn nennab im piba bed wōt mweo imōm mae ien kwōnaj kenono ibben taktō ak jikin taktō eo.